



Sermon
Kxf. Dr. Numlaajtsheb Yaaj

"Yexus Lub Npe"

Fourth Sunday in Advent
Our Savior Lutheran Church – Lansing, Michigan
12-20-2020

Thov txoj koobhmoov, txojkev hlub, thiab txojkev haumxeeb, pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

Lukas 1:31, "And behold, you will conceive in your womb and bear a son, and you shall call his name Jesus – Thiab saib seb, *koj yuav xeeb menyuam rau hauv koj lub plab thiab yuav yog ibtug metub, thiab koj yuavtsum tis tus metub ntawd npe hu ua Yexus.*" Nov yog Vajtswv Txojlus. (ESV). (Cross-reference – Mathais 20:34; 21:2; 24:3; 26:30, Malakaus 11:1; 13:3; 14:26, Lukas 19:29; 19:37; 21:37)

Illustration (Name) (Show John Doe)



Xyoo 1945, muaj ib tus hluag, nws digmuag thiab ruam "tsis txawj haislus" taug kev nyob rau Jacksonville, Illinois. Vim tsis paub xyov yuav nrhiav cov txheeb cov ze tuaj lees tus hluag no, nws raug mus nyob rau state institution thiab muab lub npe tis rau nws tias, John Doe No. 24. Nws nyob ntawd mus txog thaum nws muaj 64 xyoo nws mam li tuag los ntawm mob stroke. The Associate Press sau lawv daim ntawv xovxwm tias, "John Doe 24 Takes His Secret to the Grave – *John Doe 24 koj yam uas tsis pub leejtwg paub mus rau hauv nws lub qhovntxa.*" Thaum lawv tabtom ua phibtig rau nws, muaj ib tus pojniam nug saib puas muaj leejtwg muaj lus hais. Tsis muaj leejtwg hais ib los li. Vim tsis muaj leejtwg paub nws lub npe. (Show Hmong boys and girls name)

Table with 4 columns: Hmong, English, Hmong, English. Lists various names and their translations.

Table with 4 columns: Hmong, English, Hmong, English. Lists various names and their translations.

Koj lub npe hu li cas? Kuv lub npe hu uas Laaj. Peb lub npe yog qhia tias peb yog leejtwg, peb thiaj li ib leeg paub ib leeg. Peb Hmoob tej npe rau cov tub thiab cov ntxhais muaj ntau lub npe thiab nyias txhais nyias lawm ntau yam. Npe, txheeb thaum ub nws muaj keebkwm saib lub npe yuav ti li cas. Saib, Rebekah hu nws thawj tus tub Exaus vim nws muaj plaub ntau rau nws lub cev. Yog li ntawv lolus Exaus txhais haistias, tus tibneeg muaj plaub. Rebekah hu nws tus tub thib ob Yakhauj vim Yakhauj yog tus "dag" nws tus tijlaug los ua tus xub yug 'first born.' (Show what is your name?)




Peb Hmoob muaj tis npe laus. Thaum tus vauv thiab tus ntxhais nkawv muaj menyuam lawm, tus vauv mus tos niamtais thiab yawmtxiv tuaj saib tus vauv thiab tus ntxhais. Lub sijhawm no nkawv npaj ib rooj noj haus thiab thov kom yawmtxiv tis lub npe laus rau tus vauv. Thaum txog kuv thib, kuv lub npe thiaj li dhau los hu ua "Numlaajtsheb." Nov yog tis lub npe raws peb yawg "Numlaajtsheb" uas koj peb cov kwvtij khiav suav teb los rau tebchaw nplog. Tiamsis nyob rau tebchaw Asmesliskas thiab nyob rau tiamno, peb tibneeg xav tis lub npe li cas los nyob ntawm tus tibneeg ntawd nyiam xwb ces nws cia li ti li nws siabnyiam lawm. (tej lub npe txawv: Wonder you know, Phaib Ej etc.)

- I. Nyob rau peb Txojmoozoo hnuvno, tus timtswv Kaliyees los hais rau Maivliag kom Maivliag yuavtsum muab lub npe Yexus tis rau nws tus mosliab. (Show angel spoke to Joseph)



Lub npe 'Jesus – Yexus' nov yog txhais ntawm "Greek – Kilis" lolus "Iesous – Yeh-su," uas yog txhais ntawm lolus "Hebrews – Henplais" txhais haistias "Yeshua – Yexus" txhais haistias, "the Lord saves – tus Tswv cawm." Vajtswv yog tus xaiv Yexus lub npe. Nyob rau ntawm Mathais 1:21 tus timtswv los hais rau yauxej haistias, "She will give birth to a son, and you are to give him the name Jesus, because he will save his people from their sins - Maivliag yuav yug ibtug metub, koj yuavtsum tis tus metub ntawd npe hu ua Yexus, rau qhov nws yog tus uas yuav los cawm nws haivneeg kom lawv dim lawv lub txim." (Show Jesus a carpenter son)




Yexus los yug ua tibneeg nyob rau Kalilais tebchaw. Tibneeg cheebtsam ntawd tsuas paub hu nws lub npe "Yexus" xwb vim nyob rau tiam no, haiv tibneeg ntawd tsis muaj xeeb. Txhua tus tibneeg yog koj yuav paub txog nws ces koj mloog saib nws yog cajceg twg. Nws niam nws txiv hu li cas, nws los tebchaw twg los, thiab nws ua haujlwm dabtsi. Tibneeg paub Yexus ces, lawv tsuas haistias, Yexus yog Yauxej tus tub, Maivliag yog Yexus niam, Yexus nyob lub nroog Naxales, losyog Yexus "carpenter's son – yog tus tub ua vaj ua tsev."

Muaj ib hnuv, ib tus txivneej kawg tau ib lub pobzeb koj los tiag nws lub qhovrooj. (Show the largest gold nugget)




Tau ntev thiab ntau xyoo dhau lawm, muaj ib tus geologist tuaj saib nws thiab pom lub pobzeb ntawd. Thaum nws ua tibzoo saib, nws mam li haistias lub pobzeb no yog ib thooj kub. Rau ntawm tus txivneej uas nyob lub tsev ntawd, nws tsuas xav haistias, tsuas yog ib lub pobzeb xwb. Tiamsis lub pobzeb no yog thooj kub uas loj tshaj li lwm thooj uas lawv nrhiav tau nyob rau tebchaw sab hnuv. (Show John 7:27)



Cov kwvtij, Vajtswv muab Yexus los rau tibneeg ntiajteb, tiamsis tibneeg ntiajteb haistias, "But we know where this man is from; when the Messiah comes, no one will know where he is from – Tiamsis peb paub haistias tus txivneej no los qhovtwg los; Thaum tus Mexiyas los, tsis muaj leejtwg paub haistias nws los qhovtwg los." (Yauhas 7:27) Nyob rau Yexus tiam, nws nrog lawv nyob tiamsis tibneeg tsis lees paub nws. Tamsimno nes, tibneeg puas lees paub Yexus Khetos tias nws yog tus cawmseej thiab?

- II. Cov kwvtij, lolus "KHETOS" no tsis zoo li lub npe Yexus, tiamsis nws yog ib lub npe siab duas lwm lub npe. Nws tsis zoo li tibneeg ntiajteb tej nomtswv lub npe losyog ib tes dejnum uas tus tibneeg ntawd tuav. (Show Jesus the Messiah)



Ntiajteb tej koobmeej losyog meejmom muaj tej ua nomtswv xws li "Mayor – tswv zos," "Governor – Tswv xeev," losyog "President – Tswv teb tswv chaw." Tiamsis lub npe "Christ – Khetos" nov yog lolus "Messiah – Mexiyas" txhais haistias, "The Anointed One – Tus Raug Xaiv." Yog li ntawd haiv tibneeg Yudais thiaj li tseem pheej tos saib tus Mexiyas yuav los thaum twg. Thaum nws los lawm, nws yuav los ua tus kav txhua tsavyam.

Yexus twb los zaum ib dhau 2000 xyoo rau lub nroog Npelehees, yog los theej tibneeg txojkev txhaum kom tibneeg rov mus tau rau ntawm Vajtswv. Nws yog peb tus Mexiyas. Nws yog peb tus "High Priest – *Xibhwb Siab*," "Lord of lord – *Tus Tswv ntawm Txhuatus tswv*" thiab yog peb tus "King of king – *Vajntxwv ntawm txhuatus Vajntxwv*." Nws los hloov peb txhua tus kom peb paub zamtxim, ua zoo rau lwmtus ib yam li nws ua zoo rau peb. Lolus "Lord – *Tswv*" no yog siv rau Yexus. Thaum tus tibneeg twg los lees txais yuav Yexus ua nws tus cawmseej lawm, nws hu Yexus ua "Lord – *Tus Tswv*." Txheej thaum ub yog koj siv lolus "lord - *tus tswv*" no txhais tau haistias tus tibneeg ntawd nws muaj vaj muaj tsev, muaj tub mab tub qhe, losyog koj saib rau tus tibneeg ntawd rau nqis, koj thiaj li hu nws ua "tus tswv." (Show Luke 2:11)



Yog li ntawd, thaum cov timtswv los hais rau cov tub yug yaj, nws thiaj li haistias, "*Christ the Lord – Khetos uas yog tus Tswv*." (Lukas 2:11) Thaum Petus pom Yexus ua rau lawv nuv tau ntse ntau heev, Petus thiaj li paub thiab txhoscaug ntua haistias, "*Go away from me, Lord; I am a sinful man! – Cia li khiav ntawm kuv mus tus Tswv, vim kuv yog tus tibneeg uas muaj kev txhaum*." (Lukas 5:8)

III. Yexus siv lolus "Lord – *Tus Tswv*" rau nws tus kheej vim nws yog Vajtswv. (Show Matthew 12:8)



Yexus thiaj li haistias, "*For the Son of Man is Lord of the Sabbath – Tibneeg Leejtub yog tus Tswv ntawm hnub Xapataus*." (Mathais 12:8) Yexus kom nws obtug thwjtim mus koj tus nees luav los rau nws caij nws hais kom nkawd hais rau tus tswvtsev tias, "...the Lord needs them – ...*Tus Tswv xav tau*." (Mathais 21:3) Thaum Yexus ntxuav nws cov thwjtim kotaw tag, Yexus haistias, "*You call me 'Teacher' and 'Lord' and rightly so, for that is what I am – Nej hu kuv ua 'Xibhwb' thiab 'tus Tswv' ces nej hais yog lawm, vim kuv yeej yog li ntawd tiag*." (Yauhas 13:13) (Show 1 Timothy 6:15)



Yexus lub npe txhais li cas rau koj thiab kuv hnubno? Thov kom nej totaub tias Yexus lub npe no yog txhais haistias, nws yog tus Tswv hauv kuv lub neej, nws yog tus Tswv kav txhua yam, thiab nws yog tus tswj kuv lub neej thiab txojksia. Nws yog kuv tus "the King of kings and Lord of lords – *Vajntxwv ntawm txhua tus vajntxwv thiab tus Tswv ntawm txhua tus tswv*." (1 Timautes 6:15) (Show sheep following shepherd)



Vajtswv paub kuv lub npe thiab koj lub npe. Vajtswv txib nws tus Tub Yexus Khetos los ua peb tus Tswv, los tuag theej peb txoj kev txhaum, thiab muab peb rub rov mus rau hauv nws lub tebchaws uas yog ntuj ceebtsheej. Yexus thiaj li coglus haistias, "*He calls his own sheep by name and leads them out – Nws hu nws pab yaj tej npe thiab koj lawv kev tawm mus*." (Yauhas 10:3) (Show Romans 14:11)



Cia peb sawvdaws npaj vim nws yuav rov qab los. Peb ua koobtsheej Christmas nco txog hnub Yexus yug vim nws twb los theej ntiajteb txojkev txhaum lawm. Cia peb tos ntsoov nws yuav rov los koj peb mus nrog nws nyob tau txojksia mus ibtxhis thiab ibtxhis. Peb nco ntsoov haistias "**YEXUS**" lub npe yog peb txojkev cia siab, kajsia thiab kev haumxeeb. Txhua lub hauv caug thiab txhuatus nplaig yuav lees haistias, Yexus yog tus Tswv. (Loos 14:11, Filipis 2:9-11). Thov kom Vajtswv

txojlus pub rau peb sawvdaws totaub thiab tau nyob kajsia lug rau ntawm Tswv Yexus Khetos lub npe. Peb txhua tus uas yog Vajtswv cov menyuum peb sawvdaws hais: Asmees.